



Broj: 16-12-16-5885-⁹ /25
I. Sarajevo, ⁰⁹⁻¹⁰ 2025. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 70. st. (1), (2), (3) i (6) Zakona o javnim nabavkama („Službeni glasnik BiH“, br. 39/14, 59/22 i 50/24), na preporuku Komisije za nabavke za potrebe Državne agencije za istrage i zaštitu u 2025. godini broj 16-12-16-5885/25 od 01.10.2025. godine, u postupku javne nabavke 80 komada futrola za pištolj za potrebe Državne agencije za istrage i zaštitu, direktor Državne agencije za istrage i zaštitu,
d o n o s i

ODLUKU

o izboru najpovoljnijeg ponuđača u postupku javne nabavke
80 komada futrola za pištolj za potrebe Državne agencije za istrage i zaštitu

Član 1.

U postupku javne nabavke 80 komada futrola za pištolj za potrebe Državne agencije za istrage i zaštitu (daljem tekstu: Agencija), putem konkurentskog zahtjeva za dostavljanje ponuda, na preporuku Komisije za nabavke za potrebe Agencije u 2025. godini broj 16-12-16-5885/25 od 01.10.2025. godine, ugovor se dodjeljuje ponuđaču „LISINE GROUP“ d.o.o. Sarajevo, ponuda broj 16-12-16-5885-3/25 od 15.09.2025. godine, za ponuđenu cijenu u iznosu od 49.200,00 KM bez uračunatog PDV-a.

Član 2.

(1) Ponuđač „LISINE GROUP“ d.o.o. Sarajevo obavezan je ugovornom organu dostaviti dokaze o ispunjavanju uslova iz tačke 3.1.1. Konkurentskog zahtjeva.

(2) Dokaze iz stava (1) ovog člana (orginal ili ovjerena fotokopija) ponuđač je obavezan dostaviti ugovornom organu u roku od pet dana od dana prijema ove odluke.

Član 3.

Ova odluka se dostavlja ponuđačima najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

Član 4.

Za izvršenje ove odluke zadužuje se Sektor za materijalno-finansijske poslove Agencije.

Član 5.

Ova odluka stupa na snagu danom donošenja.

O b r a z l o ž e n j e

Odlukom broj 16-12-16-5885-1/25 od 02.09.2025. godine, pokrenut je postupak javne nabavke 80 komada futrola za pištolj za potrebe Agencije procijenjene vrijednosti 49.900,00 KM bez uračunatog PDV-a, za koji je obavještenje o javnoj nabavci broj 1161-7-1-207-3-69/25 objavljeno na Portalu javnih nabavki 11.09.2025. godine i u „Službenom glasniku BiH“, broj 55/25 od 19.09.2025. godine. Novčana sredstva za realizaciju navedene nabavke obezbijedena su u okviru budžetskih sredstava za 2025. godinu, a na osnovu Instrukcije o privremenom finansiranju institucija Bosne i Hercegovine za period juli-septembar 2025. godine, broj 05-02-2-4036-1/25 od 20.06.2025. godine. Za navedeni postupak javne nabavke predviđena je e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 80/23) (u daljem tekstu: Pravilnik).

Obzirom da je tačkom 6.1. Konkurentskog zahtjeva navedeno da je rok za dostavljanje ponuda 22.09.2025. godine do 13:00 sati, te da se ponude dostavljaju u zatvorenoj koverti, Komisija je dana 22.09.2025. godine u 14:00 sati izvršila javno otvaranje ponuda.

Blagovremeno su dostavljene ukupno četiri ponude i to:

R/B	Naziv/ime ponuđača	Ponuđena cijena u KM bez uračunatog PDV-a
1.	„LISINE GROUP“ d.o.o. Sarajevo	49.200,00
2.	„NEXIS“ d.o.o. Sarajevo	49.900,00
3.	„ABC SPORTING“ d.o.o. Banja Luka	49.900,00
4.	„DANIAL S“ d.o.o. Tešanj	49.600,00

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, br. 39/14, 59/22 i 50/24) (u daljem tekstu: Zakon), sačinila Zapisnik o otvaranju ponuda, koji je u roku od tri dana dostavljen ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Konkurentskom zahtjevu.

Komisija je utvrdila da ponude ponuđača „LISINE GROUP“ d.o.o. Sarajevo, „NEXIS“ d.o.o. Sarajevo, „ABC SPORTING“ d.o.o. Banja Luka i „DANIAL S“ d.o.o. Tešanj ispunjavaju kvalifikacione uslove u pogledu lične sposobnosti, sposobnosti obavljanja profesionalne djelatnosti i ekonomske i finansijske sposobnosti, kao i formalno-pravne uslove iz Konkurentskog zahtjeva.

U cilju ocjene tehničkih uslova postavljenih u Konkurentskom zahtjevu, Komisija je od Jedinice za specijalnu podršku Agencije aktom broj 16-12-16-5885/25 od 22.09.2025. godine, tražila da na osnovu uvida u ponude ponuđača „LISINE GROUP“ d.o.o. Sarajevo, „NEXIS“ d.o.o. Sarajevo, „ABC SPORTING“ d.o.o. Banja Luka i „DANIAL S“ d.o.o. Tešanj dostave stručno mišljenje, da li ponude navedenih ponuđača ispunjavaju tehničke uslove postavljene u tački 3.1.4. Konkurentskog zahtjeva (član 50. Zakona - Tehnička i profesionalna sposobnost). Aktom broj 16-09-16-5885/25 od 26.09.2025. godine Jedinica za specijalnu podršku Agencije, dostavila je stručno mišljenje, u kojem je navedeno slijedeće:

- Uvidom u tehničku specifikaciju ponude ponuđača „LISINE GROUP“ d.o.o. Sarajevo, utvrđeno je da je navedeni ponuđač ponudio futrole marke „SAFARILAND“, koje uvidom ponuđene internetske linkove i fotografije odgovaraju traženim tehničkim specifikacijama odnosno iste su kompatibilne sa već postojećom opremom, te odgovaraju potrebama Jedinice za specijalnu podršku Agencije;

- Uvidom u tehničku specifikaciju ponude ponuđača „ABC SPORTING” d.o.o. Banja Luka, utvrđeno je da je navedeni ponuđač ponudio futrolu marke „SAFARILAND”, međutim uvidom u internetske linkove i fotografije, utvrđeno je da iste nemaju priloženu ”viljušku” na način da se može podesiti mijenjanje kuta nagiba futrole, te se za postojeći remen koji posjeduju pripadnici Jedinice za specijalnu podršku Agencije veže gibkim remenom, a što ne odgovara modelu futrole koji je tražen specifikacijama kao i potrebama Jedinice za specijalnu podršku Agencije;

- Uvidom u tehničku specifikaciju ponude ponuđača „NEXIS” d.o.o. Sarajevo, utvrđeno je da je navedeni ponuđač ponudio futrolu marke „Vega Holster”, međutim uvidom u internetske linkove i fotografije, utvrđeno je da sistem zaključavanja pištolja u futrolu ne odgovara traženim specifikacijama, iz razloga što se palcem ruke pritiska na dolje i snagom palca rotira naprijed, dok se u traženoj specifikaciji pritiskom palca ruke na dolje, odmah rotira naprijed i oslobađa pištolj iz futrole, a što ne odgovara modelu futrole koji je tražen specifikacijama kao i potrebama Jedinice za specijalnu podršku Agencije;

- Uvidom u tehničku specifikaciju ponude ponuđača „DANIAL S” d.o.o. Tešanj, utvrđeno je da je navedeni ponuđač ponudio futrolu marke „Vega Holster”, međutim uvidom u internetske linkove i fotografije utvrđeno je da sistem zaključavanja pištolja u futrolu ne odgovara traženim specifikacijama, iz razloga što se palcem ruke pritiska na dolje i snagom palca rotira naprijed, da bi se oslobodio pištolj iz futrole, što ne odgovara modelu futrole koji je tražen specifikacijama kao i potrebama Jedinice za specijalnu podršku Agencije.

Cijeneci stručno mišljenje Jedinice za specijalnu podršku Agencije, kao organizacione jedinice Agencije koja je inicirala javnu nabavku u skladu sa članom 19. Pravilnika o javnim nabavkama u Državnoj agenciji za istrage i zaštitu broj 16-11-02-2-4451-1/24 od 29.05.2024. godine, Komisija je zaključila da od ukupno četiri ponude koje ispunjavaju kvalifikacione uslove u pogledu lične sposobnosti, sposobnosti obavljanja profesionalne djelatnosti i ekonomske i finansijske sposobnosti iz Konkurentskog zahtjeva, samo ponuda ponuđača „LISINE GROUP” d.o.o. Sarajevo ispunjava tehničku i profesionalnu sposobnost iz tačke 3.1.4. Konkurentskog zahtjeva (član 50. Zakona - Tehnička i profesionalna sposobnost), odnosno ista odgovara potrebama Jedinice za specijalnu podršku Agencije. Imajući u vidu da ponude ponuđača „ABC SPORTING” d.o.o. Banja Luka, „NEXIS” d.o.o. Sarajevo i „DANIAL S” d.o.o. Tešanj prema mišljenju Jedinice za specijalnu podršku Agencije, ne ispunjavaju tehničke uslove postavljene u tački 3.1.4. Konkurentskog zahtjeva, Komisija navedene ponude nije uzela u dalje razmatranje.

Obzirom da je Konkurentskim zahtjevom za postupak javne nabavke 80 komada futrola za pištolj za potrebe Agencije predviđeno provođenje e-aukcije, međutim zbog činjenice da je prihvatljiva samo jedna ponuda, Komisija nije zakazala e-aukciju u skladu sa članom 4. stav (2) Pravilnika, već je postupak javne nabavke okončala u skladu sa članom 64. stav (1) tačka b) Zakona, primjenjujući kriterij najniže cijene iz tačke 8.1. Konkurentskog zahtjeva, te je sačinila rang listu ocijenjene ponude, kako slijedi:

R/B	Naziv ponuđača	Ponuđena cijena bez uračunatog PDV-a
1.	„LISINE GROUP“ d.o.o. Sarajevo	49.200,00

Nakon provedenog postupka ocjenjivanja, te stručnog mišljenja Jedinice za specijalnu podršku, Komisija je utvrdila da je ponuda ponuđača „LISINE GROUP“ d.o.o. Sarajevo ocijenjena kao najpovoljnija ponuda, te da ista ne premašuje procijenjenu vrijednost javne nabavke.

Cijeneći naprijed navedeno, prihvaćena je preporuka iz Izvještaja o radu Komisije i odlučeno da se ugovor u postupku javne nabavke 80 komada futrola za pištolj za potrebe Agencije, dodijeli ponuđaču „LISINE GROUP“ d.o.o. Sarajevo, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama.

DOSTAVLJENO:

- Ponuđačima 4x;
- Sektoru za mat.-fin. poslove;
- a/a.

DIREKTOR
GLAVNI GENERALNI INSPEKTOR POLICIJE

Darko Čulum

